



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1648

§. 3. De qualitate veteris Europa.

urn:nbn:de:hbz:466:1-13147

Quartum, CELTICA cuius nominis disertè meminit Ptolemaeus lib. 2. non Geogr. vt vulgò citatur, sed operis *Quadripartiti*. Quomodo autem Celtæ sparsi sint per totam Europam probatum leges apud Ortelium in aduersâ parte Europæ Antiquæ, & Cluverium lib. 2. Ger. Ant. cap. 2. & sequentibus.

Quintum, EVROPA Græcis Εὐρώπη, & Εὐρωπία, quod nomen habet, vel ab Europâ Tyriâ per Iouem raptâ, vel ab Europa Rege vt aiunt Trogus, & Tzetzes in Lycophro: qui fortè Sicyoniorum Rex fuit cuius meminere Pausanias, & Eusebius. Festus dictam ait à pulchritudine regionis, videlicet quasi nomen pulcherrimæ virginis regionem οὐρανὸν optimè exprimat. Cætera autem quæ à Goropio huc inuehuntur, hominem otiosum sapiunt.

§. 2. De quantitate Europæ veteris.

NON hic loquor de eius Figurâ quam Strabo πλευραὶ τοῦ παντού appellat: neque de eius comparatione cum Dracone cuius caput Hispania, collum Gallia, alas expansas Cymbrica Chersonesus, & Italia effingant: id enim apud Strabonem vulgò citatum non memini me legere. Tantum hic considerabo eius extensionem penes longitudinem & latitudinem.

LONGITUDO Herodoto est Asiac & Africæ similis. Straboni pauci minus triginta millibus Stadiorum: Plinio octuagies quater centies & quatuordecim millium passuum: Ptolemaeo quadraginta octo graduum maioris circuli, hoc est viginti quatuor millium Stadiorum.

LATITUDO Straboni est quatuordecim millium & centum Stadiorum: Plinio decies sexies, & octodecim millium passuum: Ptolemaeo denique 28. graduum, hoc est quatuordecim millium Stadiorum.

§. 3. De qualitate veteris Europæ.

DE QUALITATE huius regionis inuenio antiquos quatuor insigniora notasse.

PRIMVM, inter mundi partes omnes saluberrimam esse. Ita Varro lib. 1. de re Rusticâ, quam ideo anteponit Asiac, quia Europa in Borcam magis vergit, quæ Mundi pars est salubrior. Huius quo-

que salubritatis argumentum est multitudo incolarum, quare à Strabone libro 2. Σύμπασα ὁικήματα dicitur omni in parte habitabilis.

SECVNDVM, omnibus ad vitam necessariis abundare: sic Herodotus in Meltemene, sic Varro suprà laudatus, sic Strabo; Qui adit, & vicinis regionibus communicare bona sua, itaque tantum indigere, quibus qui carent non minus commodè vivunt, quam quieis abundant; quibus verbis intelligit Thymiamata, Gemmas, & alia eiusmodi, quæ hominum cupiditas fecit preciosa.

TERTIVM, eius incolas supra reliquos excellere: Primò quia Eruditissimi; Inde Manilius de Europâ sic canit lib. 4.

*Maxima terra viris & fœcundissima doctis
viribus.*

Quod si Aristoteles in Politicis appellavit Europæorum ἡγεν νολας εἰδίσερε & τέχνης, id dixit quia Europæos à Græcis seiuinxerunt; & cuius dictum postmodum Romani refutauerunt. Secundo, quia Fortissimi; Strabo lib. 2. Europæorum τὸ γένος μάχμων, & ἀνδρικόν vocat, bellicosum & generosum: Philosophus 7. de Rep. cap. 7. notat hīc gentes esse animi & fortitudinis plenas ἡθη φυμάτη πλήρη: Strabo Europam τες δέ τινας ἀνδρῶν εὐφερατο feracissimam hominum fortium. Tertiò, quia magni Politici; ita Strabo obseruat gentes Europæ Barbaras per Romanos, & Græcos ad mansuetiorem cultum reuocatas esse: itēmque pugnaces Europæ gentes in pace contine-ri industriâ primùm Græcorum, deinde Macedonum, denique Romanorum; ideoque esse Europam τες εἰρήνη, & τες πόλε-μων αὐταρκεῖτιν ad pacem, & ad bellum sibi sufficientem; & Philosophus 7. de Rep. Græcos vocat τὸ γένος βελπτα πολιτεύματον gen-tem imprimis Politicam: quod si ibidem Europæos dixit, ἡθη σπο-λιτεύματον ἀρχειον οὐ δυναμένα populos parum Politicos, ne-que idoneos ad imperandum vicinis suis, quod hæc spectent suprà ianuimus, cùm egimus de doctrinâ.

QVARTVM Electrum, seu Succinum, & Glessum vulgo l'Ambre in una Europâ reperiiri: quod quidem colligitur in Sinu Codano apud Eßios populos: quo in tractu reperitur quoque fluuius Eridanus in Vistulam cadens, ut dicemus in Sarmatiâ.

§. 4. De limitibus veteris Europæ.

LIMITES Europæ considerantur penes quatuor mundi Cardi-